



Na osnovu člana 24. stav (3) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U-13/16) i članova 8., 9. i 10. Pravilnika o karakteru javnog konkursa i postupku postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 10/25), a na zahtjev Federalnog ministarstva finansija, Agencija za državnu službu Federacije Bosne i Hercegovine objavljuje:

JAVNI KONKURS
za popunu radnih mjesta državnih službenika u
Federalnom ministarstvu finansija

I. RADNA MJESTA

SEKTOR ZA POREZNU POLITIKU, JAVNE PRIHODE I IGRE NA SREĆU

Odsjek za javne prihode, fiskalne odnose i koordinaciju

01. Stručni savjetnik za normativno-pravne poslove - 1 (jedan) izvršilac.

02. Stručni saradnik za javne prihode -- 1 (jedan) izvršilac.

Odsjek za poreznu politiku i fiskalizaciju

03. Stručni savjetnik za normativno-pravne poslove - 1 (jedan) izvršilac.

04. Stručni savjetnik za direktno oporezivanje- 1 (jedan) izvršilac.

05. Stručni saradnik za direktno oporezivanje- 1 (jedan) izvršilac.

Odsjek za igre na sreću

06. Stručni savjetnik za igre na sreću - 1 (jedan) izvršilac.

II. OPIS POSLOVA

Radno mjesto 01.

Opis poslova: obavlja poslove izrade prednacrti i nacrti zakona i općih akata iz nadležnosti Odsjeka; obavlja nomotehničku obradu tih propisa; izrada stručnih mišljenja o prednacrtima, nacrtima i prijedlozima zakona, drugih propisa i općih akata iz nadležnosti Odsjeka; izrada odgovora na tužbu u upravnim sporovima iz nadležnosti Odsjeka, raspodjeli i načinu plaćanja javnih prihoda; obavlja i druge poslove koje mu odredi neposredno nadređeni.

Visina pripadajuće osnovne plaće: 2.214,00 KM.

Mjesto rada: Sarajevo

Radno mjesto 02.

Opis poslova: učestvuje u pripremi analize i informacije utvrđene planovima i programima rada; sarađuje sa relevantnim ekonomskim i statističkim institucijama; praćenje primjene postojećih zakona i podzakonskih akata; obavlja poslove koji se odnose na izradu analiza i izvještaja o prikupljenim javnim prihodima, izradu analitičkih,



Kolodvorska 6, 71.000 Sarajevo



+387 (0) 33 552 040



info@adsfbih.gov.ba



www.adsfbih.gov.ba: www.hrm.adsfbih.gov.ba <https://ekonkurs.adsfbih.gov.ba/>



informativnih i drugih materijala u okviru propisane metodologije (tipski izvještaji, redovne i periodične informacije iz neporeznih prihoda); vođenje pomoćnih evidencija na dnevnoj osnovi, a na osnovu izvoda o ukupno prikupljenim i raspoređenim prihodima sa jedinstvenog računa prema propisanoj metodologiji raspodjele; vrši izračune alociranih sredstava na osnovu podataka o krajnjoj potrošnji koji se doznavačavaju entitetima; vrši izračune o alokaciji sredstava po osnovu poravnanja između entiteta; stručna obrada sistemskih i drugih pitanja koja služe za izradu zakona i općih akata iz oblasti javnih prihoda; obavlja i druge poslove koje mu odredi neposredno nadređeni.

Visina pripadajuće osnovne plaće: 1.998,00 KM.

Mjesto rada: Sarajevo

Radno mjesto 03.

Opis poslova: obavlja poslove izrade prednacrt, nacrt zakona i općih akata iz nadležnosti Odsjeka; obavlja nomotehničku obradu tih propisa; davanje stručnih mišljenja o prednacrtima, nacrtima i prijedlozima zakona, drugih propisa i općih akata iz nadležnosti Odsjeka; izrada odgovora na tužbu u upravnim sporovima pokrenutim iz nadležnosti Odsjeka; obavlja i druge poslove koje mu odredi neposredno nadređeni.

Visina pripadajuće osnovne plaće: 2.214,00 KM.

Mjesto rada: Sarajevo

Radno mjesto 04.

Opis poslova: učestvuje u izradi prednacrt, nacrt zakona i općih akata iz oblasti direktnog oporezivanja (porez na dobit, porez na dohodak i porez na imovinu) i zatezne kamate na javne prihode; učestvovanje u definiranju projekata sa predstavnicima međunarodnih institucija koji se odnose na direktno oporezivanje i zatezne kamate na javne prihode; praćenje propisa iz nadležnosti Odsjeka sa evropskim direktivama i preporukama; izrada stručnih mišljenja, preporuka i stavova iz oblasti direktnog oporezivanja i zatezne kamate na javne prihode; analiza utjecaja propisa iz nadležnosti Odsjeka; učestvovanje u pregovorima kod zaključivanja međunarodnih ugovara/konvencija/sporazuma o poreznim stvarima koje Bosna i Hercegovina zaključuje sa drugim državama, saradnja i koordinacija sa organima uprave i finansijskim institucijama po pitanju direktnog oporezivanja; izrada odgovora na zastupnička pitanja iz nadležnosti Odsjeka; obavlja i druge poslove koje mu odredi neposredno nadređeni.

Visina pripadajuće osnovne plaće: 2.214,00 KM.

Mjesto rada: Sarajevo

Radno mjesto 05.

Opis poslova: učestvuje u pripremi materijala za analize i informacije po planovima i programima rada; saradnja i koordinacija sa organima uprave po pitanju direktnog

oporezivanja; praćenje primjene postojećih zakona i općih akata; obavlja poslove koji se odnose na izradu analiza i izvještaja o porezima; učestvuje u izradi stručnih mišljenja; izradu analitičkih, informativnih i drugih materijala u okviru propisane metodologije; stručna obrada podataka i informacija koji služe za izradu zakona i općih akata iz oblasti direktnih poreza, zatezne kamate i administrativnih naknada i taksi; saradnja i koordinacija sa organima uprave i finansijskim institucijama po pitanju direktnog oporezivanja; učestvuje u izradi odgovora na zastupnička pitanja iz nadležnosti Odsjeka; obavlja i druge poslove koje mu odredi neposredno nadređeni.

Visina pripadajuće osnovne plaće: 1.998,00 KM.

Mjesto rada: Sarajevo

Radno mjesto 06.

Opis poslova: učestvuje u izradi prednacrt, nacrt zakona i općih akata iz oblasti priređivanja igara na sreću; vrši periodičnu analizu podataka koje dobiva od Porezne uprave; obavlja nadzor nad regularnosti izvlačenja dobitaka u klasičnim igrama na sreću kroz učešće u radu komisije za izvlačenje dobitaka; učestvuje u pripremi mišljenja o Izvještaju o poslovanju Lutrije BiH; sarađuje na poslovima vođenja i ažuriranja evidencije o broju izdatih odobrenja (saglasnosti) za priređivanje igara na sreću, vodi evidenciju uplaćenih naknada po osnovu Zakona o igrama na sreću i obavlja i druge poslove koje mu odredi neposredno nadređeni.

Visina pripadajuće osnovne plaće: 2.214,00KM.

Mjesto rada: Sarajevo

III. USLOVI ZA PRIJAVU

Opći uslovi:

Kandidati moraju ispunjavati opće uslove iz člana 25. Zakona o državnoj službi u Federaciji Bosne i Hercegovine (u daljem tekstu: Zakona):

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uslove za njihovo obavljanje u organima državne službe u Federaciji Bosne i Hercegovine;
4. da je zdravstveno sposoban/a za obavljanje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Posebni uslovi:

Pored općih uslova navedenih u javnom konkursu, kandidati moraju ispunjavati i posebne uslove, i to:

Radno mjesto 01:

- VSS - VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – **pravne ili upravne struke**,
- najmanje 3(tri) godine radnog staža,
- poznavanje rada na računaru.

Radno mjesto 02:

- VSS - VII stepen stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja, **ekonomski fakultet**,
- najmanje 1 (jedna) godina radnog staža i
- poznavanje rada na računaru.

Radno mjesto 03:

- VSS - VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – **pravne ili upravne struke**,
- najmanje 3 (tri) godine radnog staža,
- poznavanje rada na računaru

Radno mjesto 04:

- VSS - VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – **pravne ili upravne struke ili ekonomski fakultet**,
- najmanje 3 (tri) godine radnog staža i
- poznavanje rada na računaru

Radno mjesto 05:

- VSS - VII stepen stručne spreme, odnosno visoko obrazovanje prvog ciklusa ili drugog ili trećeg ciklusa Bolonjskog sistema studiranja, **ekonomski fakultet**,
- najmanje 1 (jedna) godina radnog staža i
- poznavanje rada na računaru.

Radno mjesto 06:

- VSS - VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – **pravne ili upravne struke ili ekonomski fakultet**,
- najmanje 3 (tri) godine radnog staža i
- poznavanje rada na računaru.

IV. IZBORNI PROCES

Izborni proces se provodi putem ispita općeg znanja (IOZ) i stručnog ispita.

- **IOZ** ima za cilj utvrditi da li kandidati koji konkurišu na radno mjesto državnog službenika posjeduju dovoljan stepen općeg znanja, što je preduslov za rad u organima državne službe u Federaciji Bosne i Hercegovine. Kandidati koji su položili stručni upravni ispit na bilo kom drugom nivou vlasti u Bosni i Hercegovini ili su položili pravosudni ispit izuzeti su od polaganja IOZ.
- **Stručni ispit** provodi se s ciljem procjene sposobnosti kandidata za obavljanje poslova na konkretnom radnom mjestu, a sastoji se od pisanog i usmenog dijela (strukturiranog intervjua). Pravu pristupa stručnom ispitu imaju kandidati koji se prijavljuju na radna mjesta državnih službenika, pod uslovom da ispunjavaju uslove javnog konkursa i da su prethodno položili ispit općeg znanja (IOZ), *a prema strukturi stručnog ispita za radno mjesto ostalih državnih službenika **kako slijedi**:*

Stručni ispit za radna mjesta ostalih državnih službenika sastoji se od:

- Pisani dio stručnog ispita polaže se u vidu testa koji se sastoji se od 10 pitanja zatvorenog tipa sa opcijskim odgovorima.
- Kandidat koji je položio pisani dio stručnog ispita pristupa usmenog dijelu stručnog ispita koji se provodi kroz strukturirani intervju na kojem članovi Komisije za izbor vrše procjenu kompetencija za obavljanje poslova konkretnog radnog mjesta na koje se kandidat prijavio. Strukturirani intervju Komisija vodi po utvrđenoj Listi kompetencija koja čini sastavni dio [Instrukcije o provođenju stručnog ispita](#).

V. PRIJAVA NA JAVNI KONKURS

Prijavu na javni konkurs kandidati mogu podnijeti na dva načina: online putem web aplikacije „eKonkurs“ ili putem pošte, na adresu Agencije u skladu s uslovima ovog javnog konkursa odnosno u skladu sa statusom kandidata u pogledu obaveze polaganja ispita općeg znanja:

1. Kandidati izuzeti od polaganja ispita općeg znanja prijavu podnose:

- Online putem web aplikacije „eKonkurs“ otvaranjem korisničkog računa te podnošenjem uredno popunjene online prijave, u skladu s [Procedurom o postupku elektronske prijave kandidata na javni konkurs](#).
- **Putem pošte** – dostavljanjem uredno popunjenog Obrasca prijave koji je sastavni dio konkursa (bez dodatne dokumentacije).

2. Kandidati koji nisu izuzeti od polaganja ispita općeg znanja prijavu podnose:

- **Online putem web aplikacije „eKonkurs“** otvaranjem korisničkog računa te

podnošenjem uredno popunjene online prijave u skladu s Procedurom o postupku elektronske prijave kandidata na javni konkurs sa obavezom učitavanja dokaza: [Uvjerenje o radnom stažu u struci](#) u struci nakon sticanja visoke stručne spreme na obrascu uvjerenja dostupnom na web stranici Agencije, ili drugi dokaz koji sadrži sve podatke navedene u propisanom obrascu.

- Putem pošte – uredno popunjen Obrazac prijave i dokaz: Uvjerenje o radnom stažu, u struci nakon sticanja visoke stručne spreme, original ili ovjerena kopija na obrascu dostupnom na web stranici Agencije, ili drugi dokaz koji sadrži podatke navedene u propisanom obrascu.

3. Kandidati koji imaju status namještenika u organima državne službe, a koji su stekli visoku stručnu spremu prijavu za poziciju 02 i 05 podnose:

- **Online – putem web aplikacije „eKonkurs“** otvaranjem korisničkog računa te podnošenjem uredno popunjene online prijave, u skladu Procedurom o postupku elektronske prijave kandidata na javni konkurs sa obavezom učitavanja dokaza:
 - a) Fakultetska diploma (nostrificirana ako fakultet nije završen u Bosni i Hercegovini ili ako je diploma stečena u nekoj od država nastalih raspadom SFRJ nakon 06.04.1992. godine),
 - b) Dokaz da su zaposleni u organu državne službe kao namještenici, izdati nakon objave javnog konkursa.
 - c) Dokaz o najmanje pet godina radnog iskustva u organima državne službe nakon položenog stručnog ispita za namještenike.
 - d) Dokaz o položenom stručnom ispitu za namještenike u organima državne službe.
- **Putem pošte** – uredno popunjen Obrazac prijave i original ili ovjerenu kopiju sljedećih dokaza:
 - a) Fakultetska diploma (nostrificirana ako fakultet nije završen u Bosni i Hercegovini ili ako je diploma stečena u nekoj od država nastalih raspadom SFRJ nakon 06.04.1992. godine),
 - b) Dokaz da su zaposleni u organu državne službe kao namještenici, izdati nakon objave javnog konkursa,
 - c) Dokaz o najmanje pet godina radnog iskustva u organima državne službe nakon položenog stručnog ispita za namještenike
 - d) Dokaz o položenom stručnom ispitu za namještenike u organima državne službe.

VI. DOSTAVLJANJE DOKAZA NAKON STRUČNOG ISPITA

Kandidati koji uspješno polože stručni ispit dužni su u roku od pet dana od dana prijema obavještenja od strane Agencije, putem pošte, dostaviti dokaze (original ili ovjerene fotokopije) o ispunjavanju općih i posebnih uslova ovog javnog konkursa, izuzev dokaza o zdravstvenoj sposobnosti, *sa sljedećom napomenom da:*

- *Ovjerena fotokopija diplome o završenom visokom obrazovanju mora sadržavati*

napomenu da izvornik - diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbačene kao neuredne.

- *Kandidati koji imaju završen II ili III ciklus Bolonjskog sistema studiranja, dužni su dostaviti i diplomu o završenom I ciklusu Bolonjskog sistema studiranja.*
- *Diplome o stečenom visokom obrazovanju, koje kandidati dostavljaju kao dokaz o ispunjavanju posebnih uslova konkursa, moraju biti nostrificirane ukoliko nisu stečene u BiH ili su stečene u nekoj od država nastalih raspadom SFRJ nakon 06.04.1992. godine*
- *Dokaz o radnom stažu u struci dostaviti na Obrascu Uvjerenja o radnom stažu, a izuzetno se može dostaviti i drugi dokument pod uslovom da sadrži sve podatke koji su propisani obrascem uvjerenja.*
- *Kandidat koji polaže pravo na prioritarno zapošljavanje po osnovu posebnog zakona dužan je istovremeno sa dostavom dokaza o ispunjavanju uslova javnog konkursa dostaviti i odgovarajuće dokaze o svom statusu u skladu s propisom na koji se poziva koje će prilikom izbora kandidata cijeliti rukovodilac organa državne službe.*
- *Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.*

VII. OBAVJEŠTAVANJE KANDIDATA

Agencija, u skladu sa članom 30. Zakona i članom 24. Uredbe o uslovima, načinu i programu polaganja ispita općeg znanja i stručnog ispita za kandidate za državnu službu u Federaciji Bosne i Hercegovine („Službene novine Federacije BiH“, broj: 75/24) objavljuje rezultate javnog konkursa na Oglasnoj ploči (u digitalnom i fizičkom formatu) i pisano informira sve kandidate o rezultatima koje su postigli.

Agencija obavještava kandidate o svim fazama izbornog postupka, datumu, vremenu i mjestu polaganja ispita općeg znanja i stručnog ispita i drugim informacijama vezano za konkurs putem službene web stranice <https://ekonkurs.adsfbih.gov.ba>, web aplikacije „eKonkurs“, ili elektronskim putem (e-pošta) u slučaju da je ista sastavni dio prijavnog obrasca kandidata.

VIII. VAŽNE UPUTE KANDIDATIMA

1. Prijava dobija šifru pod kojom podnosilac prijave učestvuje u daljnjem izbornom postupku. O dodijeljenoj šifri podnosilac prijave će biti obaviješten putem adrese e-pošte navedene u prijavnom obrascu.
2. Kandidati u javnom konkursu moraju ispunjavati uslove javnog konkursa s danom njegove objave u „Službenim novinama Federacije BiH“, neovisno od toga kada

- su dokazi dostavljeni.
3. Ako kandidat ne pristupi polaganju stručnog ispita smatrat će se da je odustao od dalje konkursne procedure.
 4. Kandidate koji položi stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uslova javnog konkursa.
 5. Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.
 6. Priprema za ispit: Kandidati mogu koristiti web aplikaciju **ILIAS** za pripremu ispita na adresi: ilias.adsfbih.gov.ba gdje će pronaći:
 - **Pristup materijalima** – Vodič za polaganje ispita općeg znanja i stručnog ispita
 - **Simulaciju ispita** – Probni testovi dostupni online.
 7. Agencija za državnu službu Federacije BiH obavještava kandidate da su odgovori na najčešće postavljena pitanja dostupni na službenoj web stranici Agencije. Za dodatna pitanja koja nisu obuhvaćena objavljenim informacijama, službena komunikacija s kandidatima odvija se isključivo putem e-mail adrese: postavljenja.fbih@adsfbih.gov.ba. Molimo kandidate da komunikaciju putem drugih kanala smatraju nevažećom.

IX. ROK ZA PODNOŠENJE PRIJAVE

Rok za podnošenje prijave je **15 (petnaest) dana** od dana objave javnog konkursa u "Službenim novinama Federacije BiH".

Neblagovremene, nepotpune i neuredne prijave bit će odbačene.

Online prijava podnešena putem web aplikacije „eKonkurs“ smatra se blagovremenom ako je poslana najkasnije posljednjeg dana roka predviđenog za podnošenje prijave.

Prijava dostavljena putem pošte smatra se blagovremenom ako je poslana preporučeno najkasnije posljednjeg dana roka predviđenog za podnošenje prijave, na adresu:

Agencija za državnu službu Federacije BiH
Kolodvorska br. 6, 71 000 Sarajevo
s naznakom: "Javni konkurs za popunu radnih mjesta državnih službenika u
Federalnom ministarstvu finansija",
s pozivom na broj: 06-30-8-558/26.

DIREKTOR
Refik Begić, magistar uprave